

欽定八旗通志
(41)

欽定八旗通志卷二百三十七

人物志一百十七

循吏傳二

漢軍正白旗

漢軍正紅旗

漢軍正白旗外任官

閔三元

閔三元漢軍正白旗人世居奉天錦州府順治初

始居

京師五年以貢士選授河南鹿邑縣知縣爲人廉明

有才畧時邑地新墾煙多詭寄力爲廉正由是賦役均而國課日增官署學宮皆毀於兵災三元創立縣堂五間曰節愛堂後堂二間曰誠求堂堂之東曰琴堂堂之西曰贊政廳規模爲之一新又興起學校建明倫堂門廡塙垣規度稍備由是人文蔚起鹿邑自黃水氾濫之後舊溝淤填三元於莊任次年卽徧閱境內相其高下詢覽舊跡其間洲大小一百一十九道視舊溝增多四倍使溝水之

區悉達於河工程浩繁令鄉自爲督家自爲修大
工成而人不知苦邑北枕渦河爲衆水之滙而黃
垆寺之堤尤當其衝每一衝決則漂沒百里一邑
之民命係焉三元增築黃垆寺口堤俾永無衝決
之患其他抑強暴扶孤弱奸猾屏息愛民如子按
驛符應付以禁騷擾置義塚以葬暴骸蒞任五年
百廢俱興陞遷之日紳民遮道攀留羣爲立碑以
誌不忘後崇祀本邑名宦祠

羅文瑜

羅文瑜字輝山漢軍正白旗人世居遼東廣寧中
順治乙未科進士授山東曹縣知縣弱冠蒞任或
疑未諳吏治未幾發奸摘伏奸宄潛跡四民安堵
待士和而有禮御下寬而不縱時奉

旨丈量地畝所在驚惶文瑜立法詳密弊清而人不擾既
去士民誦思豎德政碑於東門內歲時父老子弟
往謁其家者絡繹不絕仕至山東濟南府知府後

崇祀曹縣名宦祠

梁鳳鳴

梁鳳鳴漢軍正白旗人康熙元年任浙江糧儲道
檢舊牘見屢年漕項積逋甚多力請題蠲以甦民
困徵收漕米禁苛索絕餽遺所屬便之又捐資瘞
遺骸施醫藥士民感德崇祀名宦祠

王宗聖

王宗聖字象賢漢軍正白旗人康熙二年以貢士

任尤溪縣知縣時土寇作亂田野弗治宗聖爲剪
荆棘芟草萊葺理城垣縣治譙樓以次修舉士民
德之後崇祀名宦祠

牛鳳翔

牛鳳翔漢軍正白旗人任江西左協遊擊慷慨好
施與士卒同甘苦平鄱陽湖寇以靖南康熙十
四年春瑞州新昌上高諸縣爲草寇竊據鳳翔提
軍恢復凱旋日士民遮道泣留是歲閏五月領兵

援寧州過武寧值賊圍縣鳳翔率精銳左右衝擊
賊奔潰乘勝薄寧州遂復州城槩釋脇從矜恤殘
黎地方寧輯冬十一月賊復圍寧州鳳翔守西門
率前鋒出郭戰於馬洲射中渠魁賊不敢近相拒
七晝夜城卒賴以全崇祀名宦祠

馬光遠

馬光遠漢軍正白旗人康熙十五年任袁州府同
知兼管三關九圖蕪棚等處時棚寇倡逆屠毒居

民焚燒房屋光遠初入境過流移數百人悉招回
安輯之及受任召募鄉勇練習軍器隨大兵征剿
賊首就擒羣寇悉平復遍閱鄉村搜剔餘黨盡驅
回籍不許地方容隱凡陷賊百姓力爲拯救生全
者千百餘人時官兵駐紮米豆供應不敷光遠赴
省買備軍需捐俸俸銀百兩親自押運赴襄不勞民
力仍逐日運送行營支給軍糧民免騷擾貧民婦
女多被虜掠復捐俸贖回給還本家事平後安輯

強兵不得毀壞民房逐日巡查通行營伍民居賴
以保全歲饑貸米散賑煮粥全活甚衆勸課農桑
清理訟獄培養士類優恤軍丁州民無不感恩頌
德因驅除棚寇海盜奔馳得疾卒於任民皆哀號
如失父母崇祀名宦祠

陳運泰

陳運泰漢軍正白旗人康熙十六年出監生知福
建寧洋縣時逆藩耿精忠已降海寇未靖

王師雲集運泰爲民籌畫寬省徭役閭閻賴以蘇息明年山寇蜂擁攻城運泰親率家丁鄉壯擊走之民人咸得無害感念其德崇祀名宦祠

裴振李

裴振李漢軍正白旗人康熙十七年任陽山縣知縣時當逆藩吳三桂叛亂賊兵蹂躪城市荒蕪振李捐俸重建學宮設立東西義館延師教習文武生童咸咸激向學縣城之南沿河居民稠集屢遭

大水衝決振李爲築堤堵墜士民賴以安居流亡未復業者加意撫綏催科不急而民皆感奮輸將恐後二十一年在任病故士民愛戴不忘崇祠本縣名宦祠

楊聲遠

楊聲遠漢軍正白旗人康熙十九年任袁州府軍捕廳每逢朔望率屬宣講

聖諭十六條無間寒暑字分句解使愚民皆能通曉風俗

不變每季課士品題甲乙多士奮興設立保甲稽
察匪類蘊符絕跡僉選運丁既公且慎不使互混
累民每聽訟必審酌情理判斷是非不事刑罰而
爭端冰釋吏屬自甲寅兵燹之後田地多荒蕪聲
遠設法招徠捐給牛種漸次復業二十三年陞任
民懷其德崇祀本府名宦祠

滕天御

滕天御漢軍正白旗人康熙十九年由監生任長

沙府善化縣知縣時吳逆賊兵甫退民苦瘡痍天
御操守清謹加意撫綏滇黔軍需多由長沙轉運
天御度其緩急以應不使累民又謙以禮士獄無
留案二十二年卒於官民思其德崇祀名宦祠同
旌有孫調鼎者康熙二十一年由監生任四川夾
江縣知縣政平訟理治績稱最亦崇祀名宦祠

董學詩

董學詩漢軍正白旗人康熙二十六年知山西懷

仁縣留心政事革重耗之弊免行戶派累立義倉
以備賑濟安巷柵以清盜源修學宮置犧牲齋戒
亭設立義學造就生童置堂簿謹生員出入士風
丕變二十八年大饑粟價騰貴勸諭富民設法賑
救民無流離者蒞任三載去後民思其德崇祀名

宦祠

劉民瞻

劉民瞻漢軍正白旗人康熙二十八年知山西沁

州值歲荒設法賑救全活無算陞平陽府同知累
陞至直隸正定府知府并著賢聲後崇祀沁州名
宦祠同旌有董綿祚者康熙二十九年由廩生任
湖廣竹山縣知縣修文廟設義學除浮賦多行善
政以疾卒於官遠近感泣勒石紀德并崇祀名宦
祠

羅文現

羅文現漢軍正白旗人世居奉天廣寧由廩生通